



ALABADO EN LENGUA MEXICANA.

Má cencà yec̃enehualo
Dios Tétàtzin, Dios Ipiltzin,
Dios Espiritu Santotzin,
Çaz cé Teótl imeixtintzitzin.

Má huel çencà icnelilmacho,
Yèica ca réchmochihuili,
Çanmach réchmocnelilia,
Mochipa réchmocnottili.

Má nó cemmahuiztililo
In ilhuicac Tlaxcaltzintli,
In cànin catqui Jesus
Nelli Teótl, nelli oquitzintli.

Yèhuàtzin ómochiuhztzinò
In tonaçayocapòtzin,
Inic réchmomaquixtiliz
Ica itlaçòtlapallortzin.

Çan ic ipampa itiaçzinco
In huel ichpoçchiuápilli
Toyço, totlálnacayo
Dios Ipiltzin quimocuili.

Yèhuàtzin in qualtin tláca
Ilhuicatl quimmomaquiliz;
Çan icuepa in àmo qualtin
In miçlan quimmotláxiliz.

Huel yuh commati in toyollo,
Yuh tic̃oneltóquitia:
Auh ipampa in totlàtlacol
Huel cencà titomauhtia.

Quénmach tolhuil tomacéhual
Ilhuicac papáquiliztli?
Ca çan iyò huel tocnópil
Cemicac tlàiyohuiliztli.

Ic ipampa, in ti Mariàtzin,
Timitztotzàtzililia:
Má topan ximotlàtolti,
Ic cempáquiz toyolia.

Intlácamo huel Tèhuàtzin
Titèchonmopaléhuiliz,
Quén titlácà? Ca çá nelli
Mochi Tlácatl cempoliuiz.

Timopilhuan, Titonantzín;
Anca yuh ticmochihuiliz:
Ticmohuelcaquiltizinoz
In torèicnórlatlanhtiliz.

Auh in ye tomiquilizpan,
In Titocnóhuacánantzín,
Xicmanili momaçzinco
Xicmocuili in tanimantzín.

MA IN MOCHIHUA.

Dispuesto por D. Joseph Augustin de Aldama y Guevara. Impreso en Mexico en la Imprenta de la Bibliotheca Mexicana. Año de 1755.

68A755
A357a

-06888-

